

ՀԱՆՐԱՊԵՏԱՆԻ ՍՄՈՒՆՈՒՄԻ ԵՎ ԿԱԼԻՆԻՆԳՐԱԴԻ ՄԻՏՐՈՊՈԼԻՏ ԿԻՐԻԼԻ ՀԵՏ

Հոկտեմբերի 15-ին Մոսկվայում, Ռուս Ուղղափառ Եկեղեցու Մոսկվայի Պատրիարքարանում, Մայր Աթոռ Ս. Էջմիածնի Միջեկեղեցական հարաբերությունների պատասխանատու Գերաշնորհ Տ. Եզնիկ արքեպս. Պետրոսյանը և Սրբազանին ուղեկցող Մայր Աթոռի Տեղեկատվական համակարգի տնօրեն Արժանապատիվ Տ. Վահրամ քին. Մելիքյանը հանդիպում ունեցան Ռուս Եկեղեցու Արտաքին հարաբերությունների բաժնի պատասխանատու, Սմոլենսկի և Կալինինգրադի միտրոպոլիտ Կիրիլի հետ:

Հանդիպման ընթացքում քննարկվեցին Հայ Առաքելական և Ռուս Ուղղափառ Եկեղեցիների միջև ընթացող երկխոսության երկրորդ շրջանի օրակարգին և ժամկետներին վերաբերող հարցեր:

Երկու Եկեղեցիների պետերի՝ Գարեգին Բ Ամենայն Հայոց Կաթողիկոսի և Ալեքսի Բ Մոսկվայի և Համայն Ռուսիո Պատրիարքի նախաձեռնությամբ սկսված երկխոսության շրջանակներում առաջին հանդիպումը տեղի է ունեցել 2001 թ. փետրվարին Մայր Աթոռ Ս. Էջմիածնում: Հանդիպման մասնակիցները Ռուս Ուղղափառ Եկեղեցու սոցիալական հայեցակարգի դրույթների հիման վրա քննարկել էին Եկեղեցի-հասարակություն փոխհարաբերություններին վերաբերող մի շարք հարցեր:

Եզնիկ Սրբազանը և Կիրիլ միտրոպոլիտը, անհրաժեշտ նկատելով երկխոսության շարունակումը, պայմանավորվածություն ձեռք բերեցին՝ երկխոսության շրջանակում 2008 թվականին մի շարք համատեղ հանդիպումներ անցկացնելու: Մտքեր փոխանակվեցին նաև երկու Եկեղեցիների միջև առկա համագործակցության հետագա զարգացման առնչությամբ:

Հանդիպմանը ներկա էին նաև Մոսկվայի Պատրիարքության Արտաքին հարաբերությունների բաժնի միջբրիտանական հարաբերությունների քարտուղար Իգոր քահանա Վիժանովը և բաժնի աշխատակից Ալեքսանդր քահանա Վասյուտինը:

*ՄԱՅՐ ԱԹՐՈՒ ՍՈՒՐԲ ԷԶՄԻԱԾԻՆ
ՏԵՂԵԿԱՏՎԱԿԱՆ ՀԱՄԱԿԱՐԳ*